

004 阿海伯tshuē新娘 //黃子慧 口說--陳憲國 整理 (04/07thk改寫)

阮厝邊tuà一个老阿伯，歲頭差不多有七十幾歲，街頭巷尾逐（tāk）家攏叫伊一聲阿海伯。

這個阿海伯生做不止老古錐（tsui），頭毛白白，喙鬚白白，連目眉嘛白白，ká-ná親像布袋戲尪仔內面的怪老子全款。阿海伯每工都笑咪咪（bi-x），佻（kap）厝邊一寡老同姘（tâng-sāi）開講閣唱山歌，抑（iah）無，就是三不五時仔跔（khû）跔個厝面頭前，看來看去，看過路的媾（suí）姑娘。

有一擺我閣看著阿海伯跔佇厝頭前，目調眯眯（bui-x），喙（tshuì）開開，跔遐（hia）相來相去。我就問阿海伯講：「阿海伯，啊你是咧看啥乜（mih）？」阿海伯應我一句話，講：啊我都看媾姑娘仔啦！」我聽一下掣一趟（tshuah~tiô），叫一聲：「阿海伯，你頭毛喙鬚白，老砣砣（khok-khok）矣，猶閣想欲佻人娶媾某--噢？」阿海伯聽一下，差一點跔袂在，講：「我是欲佻人娶啥乜（mih）某？我是咧替阮彼个ban（ban）仔囡（kiánn），相未來的新婦（sin-pū）啦！」

原來阿海伯有一个的ban仔囡（kiánn），三十幾歲，閣猶未娶。我共阿海伯講：「阿海伯，啊你相佻意kám有效，恁後生無一定佻意啊！」阿海伯就哈哈笑兩聲講：「阮彼个後生（hāu-senn），人古意閣兼閉思（pì sù），我若佻意伊就無問題，人查某囡仔，有佻意無佻意才是問題--啦。」阿海伯又閣講：「嗨！阮後生啊！大箍（khoo）好看頭，有啥路用！三十幾歲，娶無某，閣交無女朋友！」我講：「阿海伯，你共（kā）伊講，交女朋友，簡單啦，秘訣就是：一--錢（tshiân）、二--緣、三--媾、四--少年、五--好喙、六--敢跪、七皮、八綿瀾、九強、十敢死！」阿海伯撚（lián）喙鬚講：「想袂到，你這個查某囡仔人烏斫仔貯豆油--- 無地看--噢。」

落尾，聽講阿海伯的ban仔囡（kiánn）訂婚，娶媾某，我心肝內就咧想，阿海伯的ban仔囡（kiánn），絕對是共我教伊的撇（phiat）步盡展，抑（iah）無伊彼个低路師（kē-lōo-sai）哪有可能遮呢緊就娶著媾某--咧！（約630字）